



# ЛҮИМӐ



18 февраль  
2012 тӕл  
№ 7  
(1017)

Газета рѣтың юсвой ӕтпос  
11 хӕталӕныл 1989 тӕл  
пӕсныл вӕраве.

# СӔРИПОС

Ханты-Мансийский автономный округ – Югра газета

## ЛӔХХАЛЫТ

## Мӕ-вӕй 10 млрд. тоннатӕ



Ты тӕл рѣтың юсвой ӕтпост округувт 10 млрд. тонна сӕвит мӕ-вӕй мӕныл тах нӕх-виве. Ты кастыл А.В. Шпильман, нефтяникыт рӯпатаныл уралътан кӯщай, лӕххал тотнӕ хӕтпат ӕлы-пӕлт потыртас. Нӕн тав потре ӕлалъ ловиньтӕн:

«Лов млрд. тонна мӕ-вӕй нӕх-винӕ вӕрмалъ округувт рӯпитан мӕхум мӕгыс ялпың хӕталыг лӕвуңкве рӕви. Ты ӕти туп геологыт ос нефтяникыт вӕрум рӯпатаныл. Ты мӕт рӯпитан манос ханищтахтын кӕсың хӕтпа ос сӕв нѣтмил вӕри.

Округувт щар ӕвыл млрд. атхуйплов тӕл палыт нӕх-вуйвес, китыт млрд. ос туп нила тӕл сыс нӕх-нӕртвес. 1988 тӕлт тамле вӕрмалъ ӕлыс, хӕтал сыс мӕн 1 млн. тонна мӕ-вӕй сӕлыгласӕв. Ань ты накт хӕтал сыс 720 тонна мӕ-вӕй нӕх-выгӕв.

Россия янытыл мӕн округувт щар сӕв мӕ-вӕй виве, ты 51 процент сӕвит. Мӕн хусахкем тӕл палыт тыгыл мощца мӕ-вӕй ат вуйласӕв. Ань манасӕвит мӕ-вӕй округувт ӕлы, учѣный хӕтпат ловиньтасыт. Тӕн лӕвнӕныл щирыл, тыт 100-120 млрд. сӕвиткем тонна иң ӕлы. Ос ань ӕцнӕ ищхйпың утыт хосыт мӕ-вӕй янытӕт нӕх-виңкве ат вѣрмаве. Рӕктың мӕт туп хус охсатӕ, сӕиң мӕт ос налыманкем охсатӕ нӕх-виве.

Ам хотъютын китыглавем ке, яныгсӕт тӕл ювле хулытнӕ юи-пӕлт мӕн мӕвт мӕ-вӕй нӕх-виңкве патаве манос ӕти? Ам тох лӕвӕгум: «Остыгыл, иң виңкве патӕв. Ос манасӕвит, таи ат вӕглум». Мӕн ӕлалъ туп хус тӕл мус ловиньтаңкве вѣрмѣв. Та сыс Калифорния, Хьюстон мӕт хӕн мӕт пѣс йис пораныл



мӕ-вӕй нӕх-виве, та месторожденият иң мӕ-вӕй ӕлы. Тот мӕхум ань тыг мус иң ӕлалъ рӯпитӕгыт.

Россия мӕн округув коныпал Татарстант, Башкирият, Волго-Уральский ос мӕт мӕт мӕ-вӕй нӕх-виве. Ты мӕтт винӕ мӕ-вӕй пуссын акв кѣртурн тӕратаве. Хӕт лӕльнув мӕ-вӕй, хӕт ӕмаснув, пуссын аквантӕлыгӕгыт. Тамле мӕ-вӕй хӕн мӕн тыналан порат тынтӕлнувӕг ӕмты. Кӕсың мӕт янас кѣртур вӕрнӕ мӕгыс ос сака сӕв олн холтуңкве ӕри. Таимӕгыс ты вӕрмалъ ат ӕртми. Ётылнув ӕрың матыр йильпи вӕрмалъ хӕнтаве ос щѣпитаве.

Юи-ӕвыл лов тӕл сыс мӕ-вӕй киснӕ вӕрмалъ нефтяникыт тӕнки вӕрсыт. Ос тӕн рӯпатаныл ворил ты ӕлалъ минас, мӕн аквписыг юв хулытгласӕв. Ань ты тӕла Государстван ювле вуйвес, рӯпата уцта ӕмашакв вӕруңкве патвес. Тыи мӕгыс сӕв олн тӕставе, ань ӕрнӕ сӕвит мӕ-щунъ ос хӕнтаве».

Ӕс нӕ китыглахтас, мӕ-вӕй нӕх-винӕ юи-пӕлт мӕн мӕ ӕлы-пӕлн ат рӕгпѣв? Кӯщай хум лӕвыс: «Мӕ янытыл тамле вӕрмалъ ӕлыглас, туп газ нӕх-винӕ тӕва мӕт мӕ ӕл-рӕгпыглас. Ты ос таимӕгыс тох ӕмталас, ты газ сака мӕ-осныл вуйвес. Округувт тамле месторождение ӕтим. Ты коныпал нефтяникыт мӕ-вӕй пѣнтсыл та тӕтыл мӕн минеральный вит сӕсӕгыт. Ул пилӕн, мӕв ӕл ат рӕгпи».

Николай МЕРОВ

## Ты лӕль вӕрмалъ вӕруңкве вос пилӕгыт

Та сӕтыт Ханты-Мансийск ӕст округ Думат акв конференция вӕрыглавес, руц лӕтӕыл тох намаим ӕлыс: «Правовые основы и практика противодействия коррупции на муниципальном уровне».

Борис Хохряков, округ Дума кӯщай хум, лӕвме щирыл ты «коррупцияг» лӕвнӕ лӕль вӕрмалъ ул вос ӕмталы, депутатыт ань сӕвсыр сӕкконыт пирмайтӕгыт. Тамле ӕрнӕ сӕккон щар ӕвлӕт мӕн округ Дума депутатанув хассыт ос та юи-пӕлт Государственный Думав тамле сӕккон пирмайтас.

Ты коныпал сӕвсыр мӕтт рӯпитан кӯщайт тӕнки рӯпатанылт мирныл олн ул вос вӕвсыт, ань сӕвсыр комиссият рӯпитӕгыт. Борис Сергеевич лӕвыс: «Ты вӕрмалъ урыл акваг мирн потыртаңкве ӕри. Кӯщайт ос кӕсың ӕлумхӕлас вос ӕмашакве вӕгтӕ, взятка-олн вӕвуңкве манос

мӕт хӕтпаныл виңкве щар ат рӕви. Йильпи сӕкконыт щирыл тамле лӕль тӕла вӕрнӕ хӕтпат сутытавет, ос сака сӕв олн ювле ойтуңкве магыртавет.

Мӕн вӕрнӕ рӯпатав урыл кӕсың хӕтпа пӯм-щалахтуңкве ань вѣрми. Округ Думав интернетыт такви сайт ӕныщи, тот иң ат пирмайтым сӕкконыт ловиньтаңкве рӕвѣгыт. Ос ты сӕкконыт урыл тӕнки лӕтың тув хансуңкве вѣрмѣгыт. Ань Югра мӕт ӕлнӕ мирув ты урыл, ӕрың, ат вӕг манос вӕңкве ат тӕңхи, мӕхум тув тӕнки номтаныл сака ат хансӕгыт. Мӕнавн вӕңкве ӕри, манхурип номт ты сӕкконыт урыл тыт ӕлнӕ мир ӕныщи.

Ос мансӕвит олн мӕн сӕлӕв, тот ӕс мӕхум ловиньтаңкве вѣрмѣгыт. Мӕн пуссын кӕсың тӕл декларация-нӕпак хансӕв. Ань ос йильпи тӕла вӕраве, кӕсың кӯщай хӕтпа ты декларация-нӕпак щирыл уралътаңкве патаве. Кӯщай хӕтпа пуссын сӕлум олнӕнӕ ос ӕвтум мӕшинанӕ, ӕлнӕ коланӕ тув ат ке хансыанӕ ос тыщир урки, тамле хӕтпа рӯпатаныл тӕра-пӕхын кѣтаве ос сутытаве. Ты рӯпата таи мӕгсыл вӕрилув, кӯщайт взятка-олн щар ул вос выгыт».

Ринат Кунсбаев, Прокуратурат рӯпитан кӯщай хум ос лӕвыс: «2011 тӕл сыс 99 кӯщай хӕтпа взятка-олн мӕхмытныл висыт. Ты лӕль хӕтпат халт 13 ӕлумхӕлас турманколн унттувѣсыт. Мӕтаныт сӕв олн ювле ойтуңкве патӕгыт».

Людмила ТАСМАНОВА

## Ӕлупсав ос округув урыл титыглавесӕв


Мӕнполь ӕтпост Россия Президент пѣрияңкв патӕв. Ань ты кастыл сӕв рӯпата вӕраве. Мирув тӕрвитың вӕрмалънӕ вӕнӕ мӕгыс, ань ӕсувт ӕлнӕ мӕхум акван-атыглаңкв патвѣсыт. Акв хӕтал пенсионер мӕхум атавет, мӕт хӕтал бюджетный организациятт манос мӕт мӕтт рӯпитан мир.

Мӕн, ӕст ӕлнӕ соссаң мӕхум, ӕцлахтын хӕталт атыглавесӕв. Мӕн ӕтув сӕвсыр мӕтт рӯпитан хӕтпат ос студентыт ӕлысyt. Округув урыл, мирув урыл титыглавесӕв – маныр вӕрмалъ ӕныщѣв, хумус ӕлӕв. Ты рӯпата таимӕгыс вӕраве, ань тӕрвитың вӕрмалит пуссын тӕра вос паттавет, ос кӯщайнув ӕмашакв ӕлалъ вос рӯпитӕгыт.

Ӕвлӕт пуссын лӕввѣсӕв, мӕнти урыл мощ вос потыртӕв. Хӯрум-

хуйплов хӕтпа халт туп ат хӕтпа округувт самын патсыт, тыт яныгмасыт ос тыт ӕлӕгыт. Мӕтаныт пуссын мӕт мӕныл тыг ӕхтысыт. Кӕсың хӕтпа янас вӕрмалъ урыл потыртас – ӕлнӕ колыт, ЖКХ вӕрмалит, мир пусмалтан ос мӕт тӕлат урыл.

Тувыл мӕн пуссын потыртасӕв, округувт маныр ӕмас ӕлы – тыт рӯпитан олнӕнӕв тӕра ойтает, тит тӕл сыс акв щѣс мӕт мӕн ӕцлахтуңкв ялӕв, пӯль-



ницатт олн ойтӕл пусмалтавѣв. Кол ӕвтнӕ мӕгыс субсидия-олн миве.

Товат лӕвсыт, тыт ӕлупса ӕмас кос, ос кол мӕгыс мӕхум сӕв олн ойтӕгыт, мӕнлыт мӕхум рӯпата тӕл ӕлӕгыт, тӕнанылн рӯпата тӕрвитың хӕнтуңкв. Ипотека-олн ювле ойтнӕ порат сака сӕв процент-олн виве.

Тит арыгтем щѣс потыртасӕв, тинан пӕслу-весӕв, ищхйпың утын ос хасвесӕв. Ос та сыс лӕввѣсӕв, наманув нѣм-хӕт ат хансавет, потыртат вӕрмалънув пуссын акв нӕпакн хансавет, ос кӯщайтн мивет. Ӕрың тох мир тӕрвитың вӕрмалъныл урыл кӯщайт мӕк вӕңкв патӕгыт.

Валентина ХОЗУМОВА

УЙХУЛ ЯНМАЛТАН ВАРМАЛЬ

# Акв юи-пәлт ӧлтхатнә сәлыянуv

Мәньци мәхум халт сәлы янмалтан вәрмалъ шар ӧвләт мӧлты мәньполь этпост Уй йиквнә порат ӧвылтавес. Тӧнт Савелий Дмитриевич Самбиндалов Татьяна Степановна Гоголева ӗт потыртахтас, депутатув тавән сәлыт ӗвтуңкв вос нӗты.

Савелий щәмьян та-гыл вӧр пәвылт ӧлы. Татьяна Степановна Ханты-Мансийск үсн ӗхтумӗт тәра ӗрнә нәпакыт щәпитаңкв вуйхатас.

Овыл грант-олныт Думат рупитан мәхум сәлы ӧщнә пүсас щәпитан мәгсыл вуйласыт. Ты проектаныл «Йильпи сәлың колтагыл» ләвсаныл. Титыт щәс сәлыт ӗвтнә кастыл олныл майлувӗсыт, ты вәрмалыныл «Йильпи сәлыңкол» намыл намаясаныл. Тӧнт ты Татьяна Степановна Михаил Эдайкович Яр ӗт сәлыт ӗвтын щирыл потыртахтасың.

Ань ты тәл котиль этпост сәлыт тыг нйвлын пора мак ты ӗхтыс. Ты ӧлы-пәлт Татьяна Степановна лүймән Надым үсн юи-ӧвыл тәланә вәрнә мәгсыл тыламлас.

Мән ос тав юи-пәлӗт хұрум яныг мәшинал пормасанув ӗт тув тотмыгтавесүв. Мән ӗтуv миннә тит мәшинагуv пумыл, ййв тәврил, пәртытыл, тӗр үсмал ос нуйил тәлттым ӧлсӗг. Хұрмит мәшинат мән-ти пормасың тәгыл тотвесүв.

Сәлыт тыг, мән округувн, тотнә щирыл Надым үсн хұрум хоса мәшина щәпитым ӧлсыт. Сәлыт тәлттын мәшинат колхусапаныл титхойплов мӗтра палыттыг ӧлсыт. Та коньпал мән ӗтуv тит мән мәшинаг «сопровождение» ләвнә щирыл яла-

сасыг. Пуссын аквӗт мәшинал яласан атьхойплов хум ӧлыс. Тән пуссын «Газпром» пәлыл мәнәвн нӗтсыт.

Сәлыт ӧщнә мӗ мус Советский үсныл мән тит хӧтал Коммунистический, Нягань, Андра ос Лыхма пәвылт тәра минасуv. Лӗңхыт акв ӗт Приозӗрный пәвылт хұлсуv. Та пәвыл Ханты-Мансийский ос Ямало-Ненецкий округыг халт ӧлы.

Титыт хӧталт хара, мән вӧр мӗ хосыт 143 вӗрыста тотвесүв. Михаил Яр ӗт акван-хӧнтхатнә мӗ мус ӗхтумув юи-пәлт тән ӧс ущ тув ӗхтысыт. Ӓрн хум такви, тав пәлтә рупитан мән-лӗт хум Максим ос Сава-



миннә лӗңхыт ӗрнкол тұщтым ӧлы. Тот Савелий Дмитриевич Самбиндалов Татьяна ӗкватӗнтыл ос Унтари мән-ннуv пыгӗнтыл ӧлсыт.

Олег ос Илья пыгагӗн, Максим ӗрн хум пәлт лӗль, саюм, пӗс колт ӧлсыт. Та кол ӧлнӗг аты хӧйхаты. Вӧвта нуйил ос тӧва халт пәртыл

тыттуvесыт. Нас щӗил нӗнь ӗт хӧтал сыс тит щӗс молямтахтым айт-вӗсыт.

Мән тув ӗхтумув порат Илья нупыл самвит тәл сунсуңкв ат рӧвыс. Тав осә түйт хольт яңкыг ӧлыс. Ам таве титыглылум: «Илья, наң вильт осын манрыг тамле яңк, матарын агмың?» Тав ювле ләви: «Нән ӗхтынӗн кастыл ам хұрум щӗс сыстам витыл вильтум ӗмщаквег хотловтыслум. Тай мәгсыл ты яңк». Ӓл-хуйнӗв ӧлы-пәлт маныр, хумле мӧт хӧталыт вӗруңкв патӗв ос хӧт сәлыянуv пувиянүв, ты урыл Михаил ӗт потыртахтасүв.

**Вӗт нупыл титыт щислат** ӗлпыл Михаил, Максим ос Олег сәлыяныл аняг атсаныл ос сәлы пувнә мән нйвлысаныл. Овыл хӧталыт сәлыт пувнә порат ащирмаң, вӧтың хӧтал ӧлыс. Хӧтал палыт сәлыт нйвлалым ӗмщакв рӗгтыглавесүв.

Этипалаг пувум сәлыянуv «Буран» сунын тәлттым сәлы пүсасын хартыгламуv порат ащирмаң лүй вӧтын луванув мус пӧльвесүв. Овыл хӧталыт сыс хӧтпан нупыл тит сәлы пувуңкв туп ӗлымасүв. Тот ӧлнә сәлыяныл мән сәлыянуv хольт тӗнти муvлахи лӗкв щирыл ат ӗңхӗгыт, мори хӗйтӗгыт. Тән юи-пәланылт нас ӗмуңкв ӗри.

Тувыл ос Михаил хоты сәлы хұлты, та сәлы та пувсүв. Та рӗтыл ты тох хоса сәлы рӗпсүв. Сәлыт пувмуv, аквписыг пәсыгрищит пувсүв. Этипалаг Татьяна Степановна Михаил Яр нупыл пувум пәсыгрищит урыл ләвыс: «Манрыг мән ӗвтуv сәлыянуv пус-

сын кәльрищит ос мән-нит. Мән тән мәгсыланыл наңын яныг тын ойтсүв. Та пӗнтсыл сәлыяныл ӧс вос яныг ӧлӗгыт». Та лӗтгыт хұнтамламе юи-пәлт Миша тәра хот-кантмаявес. Ювле рӧңхуңкв ӧвылтахтас: «Нәнә яныг сәлы ӗрыс те, манрыг нӗнти Саранпәвылт ат ӗвтсӗн».

Титыт хӧталувт сәлы пүсас мус минасуv. Татьяна Степановна ӗрн хумиюv лӗлыт илямтас-тә, яныгнуv сәлыт мәнәвн вос мыг.

Сәлыянуv пуссын пувманув юи-пәлт этипалаг тәнаныл тәра мәшинан тәлттуңкв номсысанув. Хӧтал палыт пуссын тәтәл хӗйтыгтасүв, вӗгтал патсүв ос ӗмщакв пӧльвесүв. Татьяна Степановна титыглахтас: «Щӗс щирыл хота мус тәлтхатӗв?» Миша ләвыс: «Нилахтем, атахтем щӗс тув мины, турмант тот каймав, тувыл иң сәвнуvе щӗс мины». Потыртамуv юи-пәлт хұрмит ӗт тот хұлуңкв хулытсүв.

**Вӗт нупыл нилыт хӧталт** ӗлпыл сӗт щӗс порат сәлыянуv мәшинан тәлттуңкв ӧвылтасанүв. Аквхойплов щӗс мус тәлттысанүв. Тувыл тәра мән-ти мӗв нупыл та минмыгтасүв. Сава Самбиндалов пыганә тит ӗтпос ляпатем юн ат ӧлсыт. Нӗмхотты порат тох хосан тӗнти пәвылныл ӗла ат ялантәлсыт.

Ювле мән ӗтә-хӧталә сыс мош мӧт лӗңхыл тотвесүв. Белоярский, Перегрӗбный, Советский, Хұлюмсунт ос Нйхщамвӧль тәра Усть-Мән-я пәвыл мус тотвесүв. Тув ӗхтынӗв кастыл сәлы ӧщнә мән пүсас вӗруңкв ӗрыс. Тай пуссын



С. Самбиндалов ос В. Хозумов

яныг пыге Олег ӧлсыт.

Щӗй аймуv юи-пәлт тӗнутанув, пормасанув «Буранын» тәлттысанув, Миша ӧлнә вӧр колӗн та минасуv. Та мәныл колӗ мус вӗт нупыл тит вӗрыста. Тув

рӗтым ӧлы. Таимәгсыл коланылт ӗтә-хӧталә кӗре пӗлтыглаңкв ӗрыс. Ӓти нӗй постын порат, коланыл нуми совыт хольт посты. Тӗнти тот ӧлманылт ӗрн хумын торың тӗнутыл атыпыл



Михаил Яр



Ӓрн хум пәлт рупитан пыг





Салыквет тох ты машинат тотвёсыт.



Т.С. Гоголева ос машинат яласан хумыт.

Хулумсунт миркол кўшайин щёпитаңкв лавыгласес. Тав шар нэматыр тот атыпыл вәрүм.

Эти турманыт пўсас ратуңкв вуйхатсўв. Мана в тотум машинат юв ле минуңкв молямласыт. Салыянув пўсасн тарталасанув, хум махум эти хўрум щёс порат юв ле та минымгмасыт.

**Мотыт хоталт** мана нила «Бураныл» салыт Тўрват павылн хартыгланкв овылтасанув. Акв сунын хўрмахтем, нилахтем салы туп лапыс. Тувыл Усть-Маньяныл (Маньясўтныл) Тўрват павыл мус яласан лёңхе сака хоса. Эла-юв ялнэ щирыл нила-ат щёс минас. Таймагсыл тит хотал сыс этэ-хоталэт мак олнэ мананыл мус вантлысўв.

Налыман нупыл онтоловит хоталт салыянув пуссын Тўрват павылт пўсас тиврыт тэп ос нянь товтащлым хайтыгтасыт. Овил хотал палыт пўсас тиврыт оцсанўв. Этипалаг салыянув кон-квалнэ кастыл сыранув палыппинсанув. Квалманыл юи-палт тара вөрн тэңкв лакква-тарамласыт.

Ман Тўрват павылныл юв ле минмыгтан хоталувт Савелий пыганэ салы щарканыл уралтаңкв тетыгласанэ.

Ёхтуманыл лавсыт, салыяныл щарк щирыл щирмус пуссын аквёт олэгыт.

Ман тот иң олэв, Тўрват тўрн хўл няслын махум тит щёс салы нёвиль магсыл хойгласыт. Тан нас ёмас потыр ат оныщегыт. Савелийныл тара салы нёвиль вовегыт. Таи ты лёль, ань нас вовегыт, мощертын писалил патлуптаңкв патэгыт.

Аквёт пуссын онтырсат нупыл тит салы Тўрват павыл мус тотсўв. Ловсалы Советский район олнэ маньци колтагыл магсыл тотвес. Тан салыт оцнэ кастыл щёпитахтынэныл юипалт салыяныл тара тан палтаныл посавет.

Таи ты ёмас, хунь маньци щёмьят танти салы оныщукв касащегыт. Нэмхотыутын ёрыл кащилтаңкв ат эрыс. Ань тув тотум салыянув акв ман ёмцаквег ротмалтаңкв эрегыт. Тыи магсыл ман, салыт оцнэ маньци махманув, ёмцакв пустагыл вос олэгыт, салыяныл аквписыг вос савмёгыт.

Тамле ёмас маньци колтаглын ам сав щуньпаща латың тетэгум. Салыяныл эт Най-Отранылн акваг вос ўргалавет.

Александр ВЬЮТКИН

## Ман – щагтым ўрхатам махум

Молты тал пасныл латың сумыллас – Тўрват павылт олнэ махманув салыл мивет. Пёс опарищанув олум нак нох вос вортмалтыяныл. Тув палытыл, таквс палытыл акваг ты урыл потыр олэс.

Мощ мол хоталнув ляххал ёхтыс – салыт ты тотавет. Та эт кинан послан утың тагыл сав хотпа ёхты. Ман тай, Хальўс район Хулумсунт павылт олнэ махум, хот-щагтсўв. Лёңх ман тарав олы, эрың ёл-пойтсёгыт. Павлың махум акваг та китыглахтэгыт: «Хунь салыт тотавет? Тыгыл тара тотавет? Ёла пойтсёгыт ман ати? Сакати лылың салы касалалнуув, тан этаныл послаханув».

Хальўс район Няхщамвёль павылт хуньт салы ўрнэ промхоз олэс, сараныт, маньцит салы ўрим рўпитасыт: Олег Максимович Рокин, Алексей Яковлевич Рочев, Николай Яковлевич Рочев, Александр Алексеевич Тасманов. Пёс пастухыт такыщ рўпитасыт, ёмцакв салы ўрсыт. Мань махмытн патсыт – салыяныл юв ле та минасыт. Арыгталум салыяныл нас щама ратсаныл.

Ань салыт холаманыл атхуйпловкем талыг ёмтыс. Таймагыс мань махум, хотыл ёхтум махум салы ат ващинталыглэгыт, туп телевизор хосыт касалалыглэгыт ос нэпак лопыст сунсыггалыглэгыт.

Хунь салыт тотвёсыт, ман аты мостыгласлув.

Хунтамласлув, насати, тара минамыт. Ман тай хот-щагтум итувтыл мир хўнтлан ос сўснэ

магыс ййкв-таныт ос эргыт щёпитапсув. Салыт тотым лёңх хосыт Няхщамвёль павылн талматсўв. Ман – школат ханищтахтын няврамыт: Таня Алгадьева, Лера Кивелева, Лера Алгадьева, Таня Сивцова, Максим Адин, Саша Сюмин, Серёжа Пуксиков, Лёша Лихачёв, Денис Сивцов, Вика Адина, Катя Алгадьева, Юлия Давыдова, Вика

лың махум элы-палт клуб-колт концерт вэрыгласўв.

Овлэт Няхщамвёлиң махум танки эргысыт, ййквсыт, оцхультасыт. Саран экват саран латңыл эргысыт, маньци экват маньци эргыт эргысыт. Тувыл ос ман мощ поргащлапсўв, эргысўв, маньци ййквты ййквсўв. Мирколт щай айсўв ос юв ле талматсўв.



Боженко, Диана Хайменова, ос яныг хотпат: Т.А.Головина, Е.И. Адина ос ам.

Няхщамвёлиң махманув ос щагтым олэсыт, салыт ос муй махум ўрсыт, тан ос ты кастыл ййквтаныт-эргыт(концерт) щёпиталсыт. Салың махманув тыт ос тара минасыт. Ман тай, щагтум махум, матарын ёл хунь пувавёв. Ат кёпыл салыт вэсанув, сакати пав-

Салыкве оныщукв – ёмас вэрмалъ кос. Салыг рўтмалтаңкв – яныг рўпата. Йильпиинг салыңыг ёмтум махманув салыяныл хаснуваныл ке оныщукв, элалъ ке рўтмалтануваныл – хотыют эрың ос салы оныщукв вуйхатнув.

Пёс порат салыл щёл ловиньтавес. Хотыют сав салы оныщас – таи щёлыңыг, пўныңыг ловиньтавес. Ты маньлат пыгрищит опаныл Дмитрий Самбиндалов хуньт салы пўн ломт оныщас, щёлың хумыг ловиньтавес. Салыянэ такви оцсанэ, Нёрт яласас. Пыге Савелий сав няврамаңыг ёмтыс, Нёрт яласаңкв ат вэрмыс.

Ойка такви вэг таратас – салыяныл та холасыт. Ты уц яныгмам пыгрищит салы ўрнэ вэрмалъ ат вэганыл. Юртыңыщ ке олэгыт, халанылт ке нётхатэгыт – эрың яныг салы пўныг рўтмалтыяныл. Наскасыг хунь тысавит хотпа ты палыт лёңх яласасыт, ты яныт рўпата вэрысыт.



О.В. Баранова, Хулумсунт миркол кўшай нэ ос А.А. Захаров та павылт участковыг рўпитан хум.

Анна АЛГАДЬЕВА

## «Най лылы» кинофестивалин ань щёпитахтэгыт

Рётың юсвой этпос ват нупыл нила хоталныл ос маньполь этпос овыл хоталэ мус «Най лылы» кина суссылтан ловит мирхал фестиваль варае. 2012 тал Россия янытыл «музыка» лавнэ эрыгсов таньт янытлан талыг намаим олы. Ань ты кастыл тыт «Музыка в кино» программа щёпитавес.

Махум магыс «Мы из джаза», «Зимний вечер в Гаграх» пёс кинаг суссылтавэг. Ты элы-палт Карен Шахназаров, кина послын хум, махум эт хонтхатыгылы. Ос «Мария Мирабелла» нампа кина суснэ махум эт потыртаңкве Евгений Дога тах ёхталы. Тав эрыгсовыт хаснэ хум. Тувыл ты ойкак композиторский жюри касылыт рүпитаңкве патэг. Тэн кинат олнэ эрыгсовыт хүнтлэг, ту-

выл щар ёмас ос тув ровнэ хурип эрыгсов пёриег. Ос та кина послум режиссёр наме лавитэн.

Ты тал «Най лылы» касылт жюри хотпат халт Пьер Ришар кұщаиг паты. Ты французский актёр 2003 талт тыг ёхталас. Ань щар ёмас кина пёриян магыс Российский кинат коньшал Австрия, Аргентина, Бельгия, Грузия, Португалия ос Франция маньл кинат тыг



Интернет-видеохурип

кётвёсыт. Тувыл ман кинанув халт щар ёмас актриса-нэ ос щар ёмас артист-хум пёриявэг тах. Ты касылт Сергей Шакуров кұщайлахты ос тавён Ирина Розанова нётуңкве паты. Игорь Клебанов щар ёмас операторский рүпата тах пёрии.

Няврамыт магыс янас программа щёпитавес. Тан Финляндият, Германият ос Россият послым кинатыл суссылтаңкве патавет. Тувыл касың тал «Ералаш» пұмышц мань кинат ос мультфильмыт тыг тотыглавет.

Ман магысылув ос

ёмас вәрмалы олы. Ты кинофестивалин Эстонияныл документальный кинат кётвёсыт. Тот ханты ос маньщи махум послувёсыт. Налыман тал ювле хулыгум порат Леннарт Мери тананыл послысанэ. Ты ойка ман махманув овылтыт сака пұмщалахтас. Тав такви матёт овыл Президентыг олыс.

Ань ты кинофестивалин кётым кинат Сургут, Нижневартовск, Когалым ұсытн ос Хальўсн тах тотыглавет. Мирн ванэ артистат ос тув ялэгыт. Та ұст олнэ махум вос ўрхатэгыт, ос ты тэлат урыл танки элалыт вос китыглахтэгыт.

Тамара МЕРОВА

### КОЛ ЫНТТЫН ВАРМАЛЫ

## Кол ёвтнэ урыл потыр

Округ Дума депутатыг махум кол ёвтнэ ос колыл минэ сакконанылт йильпи латың хұлтсыт. Ань сав няврам оцнэ щёмьят танки кол ынттын магыс мал миңкве патавет. Сар саккон щирьл хұрум манос тыгыл савнув няврам янмалтан щёмьят туп тэпкан вэрнэ мал майвёсыт.

Ань депутатыг ты саккон хосыт иң элалы рүпитаңкве патэгыт. Тамле тэлат уралытым вос оныщавет, ос махум мамананылт кол вос ынттэгыт. Тувыл мощща олн сэлнэ махум, хонтын тотыглым хотпат, сав тал рүпитан махум, савалап няврамыт аквтох кол ынттын мал тах мивет. Юграт олнэ махум пуссын колыңыг вос ёмтэгыт, ос танки ёранылт кол ынттуңкве вос вёрмёгыт – тай магыс округ палыл олн нётмилыл ос таставет, тав субсидияг лававе.

Тувыл округ Правительствав ос Думаг касың ұст манос районт ёвтнэ колыт тынаныл тара-паттысаньл:

– Ханты-Мансийскат кирпич колт акв квадратный метра тынэ 49 сотыра 526 солкөви, ос норколт тынэ 38 сотыра 113 солкөви олы;

– Сургут ұст 44 сотыра 585 солкөви савит акв кв. метра кирпич колт, ос норколт – 33 сотыра 347 солкөви;

– Югорск ұст акв кв. метра тамле тынэ – 43 сотыра 585 солкөви ос 29 сотыра 943 солкөви;

– Ты ұсыт халт Урайит кв. метра тынэ мощщанув, 37 сотыра 719 солкөви ос 27 сотыра 705 солкөви.

Ань йильпиинг ынтым колыт ляпат садик, школа, почта, банкыт олэгыт ке, тонт колыт тыныңнувег ёмтэгыт. Ос тамле эрнэ колыт ляпат атимыт ке, тан ётыл ынттуңкве патавет. Ты коньшал колыт ынттын магыс матыр элыл тотаве ке, кол тынэ тувыл ос нётаве.



Районыг халт колыт тынаныл ос савсырыг олэгыт. Тох Белоярский ос Октябрьский районьгт йильпиинг ынтым колыт кв. метра тынэ налыман сотыра савиткемыг олы. Ос пёснув колыт тыныт мотаныт, Белоярскийт пёс колыт кв. метра магыс 37 сотыра 103 солкөви воваве, Октябрьскийт –

29 сотыра 746 солкөви.

Хальўс ос Кондинский районугт йильпиинг ынтым колыт кв. метра 38 сотыра арыгкем тынэ. Пёс кол Хальўст тынэ 30 сотыра 906 солкөви олы, ос Кондинскийт 26 сотыра 387 солкөви.

Колыт тынаныл тал палыт пентуңкве вөрмавет. Субсидияг минэ олныт касың ұст манос районугт ос аквта савиткемыг олэгыт.

Тувыл ты этпост округ Правительстван жилищный программан акв йильпи подпрограмма щёпитавес. Ань ипотека ос субсидия щирьл кол ёвтнэ махум палт «Маньлат учёный-хотпат» янас очередин хасвёсыт.

Югра янытыл 526 хотпа савсыр наука

магыс рүпитэгыт. Тан халанылт доктор наук нам 12 хотпа оныщэгыт ос 202 хотпа савсыр наукаг кандидатыг олэгыт. 312 маньлат хотпа аспирантурат ханищтахтэгыт ос диссертация хансэгыт. Пуссын ты махум халт 436 элумхолас кол ат оныщэгыт манос коланыл хот-щёпитаңкве эрэгыт.

Ань «Маньлат учёный-хотпат» нампа подпрограмман наукаг ат тал рүпитан хотпа туп хансавет. Тувыл наукаг кандидатыг олнэ хотпа 35 талэ товлын мус ос доктор наук 45 талэ товлын мус маньлатыг ловиньтахтэгыт.

Округ Правительстван ты тэлат хойхатнэг воруңкве лаввёсыт. Наукаг рүпитан номтың махум сав олн ат сэлэгыт, государство палыл, сакати, кол ёвтуңкве вос нётавет. Тувыл Югравт сав учёныйт ёмщакв элалыт вос рүпитасыт ос нуса ул вос васыт.

Ипотека ос субсидия овылтыт матыр ваңкве ке таңхегын, нан 8-800-100-66-00 телефон хосыт китыглахтуңкве вёрмегын.

Тамара ХАТАНЕВА

Лүимә сәрипос  
Адресу: 628012, Ханты-Мансийск ұс, Комсомольский ўсхулы, 31 кол.  
Телефонанув: редакторув 8(3467)33-36-82 (факс); редактор вағын нэв 33-22-72; корреспондентанув 33-23-09. E-mail: luima@ugracom.ru

Учредитель – Ханты-Мансийский автономный округ – Югра Правительство. Издатель – Ханты-Мансийский автономный округ – Югра Общественный связь Департамент.

Газетав вэрнэ кол (типография) адрес: 628012, Ханты-Мансийск, Мира ўсхулы, 68 кол.

Газета печатин хансыслув 13.00 щёт 15.02.2012 талт Индекс 04399. Заказ 54. Тираж 308. Газета сатт посын акв щёс таратылу

Редактор  
Ранса Решетникова  
Редактор вағын нэ  
Галина Кондина  
Ответственный секретарь  
Валентина Уэль